

one, præcepto, sapientia, in seipso, corde, *lucentes* vero veritatis splendore, conversatione, exemplo, prudentia, coram aliis, opere. Paucis, sunt lucernæ aut luminaria, ab essentiali luce illuminata, ut doctrinæ luce tenebras illuminent, quin & vita & moribus luceant, *Matth. V. 16. Phil. II. 15.* Pari ratione, exposituro vim vocis מרחפת *Gen. I. 2.* observanda primum erit radicis רחם significatio propria, videlicet, quod verbum proprium sit avium, aut gallinarum, expansione & dilatazione alarum incubantium pullis, vel eosdem ad volatum provocantium. Ex qua observatione facile deinceps patet; quid *Jeremia* verba *c. XXIII. 9.* רחפו כל-עצמותי *motitarunt omnia ossa mea*, in recessu habeant. Elegantiam hujus rei exemplo quodam B. LUTHERI nostri, Concordantiarum Hebraicarum utique peritissimi, Lectori meditandam exhibebimus, *Mose*, inquit, Tom. 9. Lat. Jenens. f. 417. *scribente de astris non adorandis*, ne forte adores ea, quæ creavit Dominus tuus in Ministerium cunctis gentibus, *involuta Metaphora nihil certe potentius audis, sic enim sonat Hebraice: Quæ BLANDIFICAVIT Dominus DEUS Tuus cunctis populis sub cælo. Quanta hic voluptas in verbo est, quanta affectuum concitatio? Quod DEUS astra illa cæli omnibus populis dederit, velut adulatus atque blanditus eis, ut mollibus istis beneficiis ad sui amorem illos invitaret, non aliter, quam sicut Mater, filio suo super genis blanditur.*

Jam